



**აფხაზეთის ა/რ მთავრობის საქვეუწყებო დაწესებულება –
ადმინისტრაციულ–სამეურნეო სამმართველო**

ავტოსატრანსპორტო საშუალებების რეცხვის მომსახურების შესყიდვის
გამარტივებული ელექტრონული ტენდერი
(CPV 50112300 მანქანის რეცხვა და მსგავსი მომსახურებები)

სატენდერო დოკუმენტაცია

ქ.თბილისი

2016 წელი

სარჩევი

1	ინსტრუქცია ტენდერში მონაწილეთათვის	3
2	ტექნიკური დავალება	4
3	სახელმწიფო შესყიდვის შესახებ ხელშეკრულების პროექტი	6
4	დანართი #1 (რეკვიზიტები)	11
5	დანართი #2 (ფასების ცხრილი)	12
6	დანართი #3 (სამუშაო გამოცდილება)	13

1. ინსტრუქცია ტენდერში მონაწილეთათვის

1.1 ტენდერში მონაწილეთა მხრიდან სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად;

1.2 ინსტრუქცია ასევე შესაძლებელია იხილოთ: <http://procurement.gov.ge>;

1.3 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი;

1.4 პრეტენდენტის მიერ წარმოდგენილი ყველა დოკუმენტი ან/და ინფორმაცია დამოწმებული უნდა იყოს უფლებამოსილი ან მისი ნდობით აღჭურვილი პირის ხელმოწერითა და ბეჭდით (ასეთის არსებობის შემთხვევაში). (მინდობილობის არსებობის შემთხვევაში აღნიშნული დოკუმენტი ატვირთული უნდა იქნეს ერთიან ელექტრონულ სისტემაში);

1.5 ტენდერით მოთხოვნილი არ იქნება გამარჯვებული პრეტენდენტის მხრიდან საკვალიფიკაციო მონაცემების დამადასტურებელი დოკუმენტების წარმოდგენა;

1.6 პრეტენდენტს არ აქვს უფლება წარმოადგინოს ალტერნატიული წინადადება;

1.7 ტენდერში არ იქნება გამოყენებული ხელშეკრულების უზურნველყოფის საბანკო ან/და სადაზღვევო გარანტია;

1.8 სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად ეთანხმება სატენდერო დოკუმენტაციის მოთხოვნებს;

1.9 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველის მოთხოვნის შემთხვევაში პრეტენდენტმა უნდა წარმოადგინოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას;

1.10 სატენდერო დოკუმენტაციის შესახებ დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან: მალხაზ დარჯანია -599855166, რენალდ დგებუაძე-599540160. ტელ: 2 37 67 69, ელ-ფოსტა: logistics@abkhazia.gov.ge, მისამართი: ქ. თბილისი, ალ.ყაზბეგის N42.

2. შესყიდვის ობიექტის ტექნიკური დავალება:

2.1.1. აფხაზეთის ა/რ მთავრობის საქვეუწყებო დაწესებულება - ადმინისტრაციულ - სამეურნეო სამმართველოს ბალანსზე რიცხული სატრანსპორტო საშუალებების, რეცხვითი მომსახურება;

2.1.2. რეცხვითი მომსახურების რაოდენობა ხელშეკრულების განმავლობაში შეადგენს:

ა) მსუბუქი ავტომანქანა - 204 (ორასოთხი) რეცხვა;

ბ) ჯიპის ტიპის ავტომანქანა - 180 (ასოთხმოცი) რეცხვა;

2.1.3. მიმწოდებელმა უნდა უზრუნველყოფს ავტომანქანების ხელით რეცხვა სპეციალური მოწყობილობების, ინვენტარისა და სარეცხი საშუალებების გამოყენებით. როგორც გარეგანი, ასევე შიდა რეცხვა, დასუფთავება და გაშრობა (ძარა, სალონი და საბარგული);

2.1.4. რეცხვის მომსახურება უნდა განხორციელდეს მიმწოდებლის მიერ დამზადებული და შემსყიდველის მიერ მიმწოდებლისთვის წარდგენილი შესაბამისი მომსახურების დამადასტურებელი საბუთის (ტალონი) მეშვეობით;

2.1.5. მომსახურების დამადასტურებელი დოკუმენტი - რეცხვის ტალონი უნდა შეიცავდეს შემდეგ ინფორმაციას (ტალონის ნიმუში):

ა) მიმწოდებლის დასახელება;

ბ) ტალონის ინდენტიფიცირების ნომერი;

გ) ავტომანქანის სახეობა (ტიპი);

დ) მიმწოდებლის ბეჭედი;

ე) მომსახურების სახეობა.

2.1.6. შემსყიდველის მოთხოვნიდან ორი დღის ვადაში მიმწოდებელმა უნდა უზრუნველყოს შემსყიდველისთვის მოთხოვნილი რაოდენობის ტალონების მიწოდება;

2.1.7. პრეტენდენტს საკუთრებაში/დროებით სარგებლობაში უნდა გააჩნდეს არანაკლებ 7 (შვიდი) სამრეცხაო ობიექტი (მათ შორის მინიმუმ 2 სამრეცხაო ობიექტი უნდა გააჩნდეს პირად საკუთრებაში) ქ.თბილისში, მათ შორის აუცილებელია, რომ 2 (ორი) სამრეცხაო ობიექტი იყოს ვაკე-საბურთალოს რაიონის ტერიტორიაზე (თითო სამრეცხაო უნდა იყოს არანაკლებ 2 ბოქსიანი, უნდა იყოს კეთილმოწყობილი და დაცული), ასევე უნდა გააჩნდეს მინიმუმ თითო ავტოსატრანსპორტო საშუალებების სამრეცხაო ობიექტები ქ. რუსთავში, ქ. ბათუმში და ქ. ქუთაისში.

2.1.8. პრეტენდენტმა ა/მ რეცხვა უნდა განახორციელოს მაღალი ხარისხის სარეცხი და საწმენდი საშუალებებით;

2.1.9. პრეტენდენტს მომსახურების გაწევა უნდა შეეძლოს ყოველდღე, დილის 09:00 საათიდან საღამოს 20:00 საათამდე.

2.1.10. სამრეცხაოები აღჭურვილი უნდა იყოს ხელით რეცხვისათვის საჭირო მაღალი წნევის სარეცხი აპარატურით, მტვერსასრუტით და სხვა საჭირო მაღალი ხარისხის ინვენტარით, რომელიც არ ხაზავს და არ აზიანებს ავტომანქანას.

2.1.11. მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზარალის აღმოფხვრის ხარჯების ანაზღაურება ეკისრება მიმწოდებელს.

3. მომსახურების გაწევის ვადა:

3.1 მომსახურების გაწევა უნდა განხორციელდეს ეტაპობრივად, ხელშეკრულების დადებიდან 2017 წლის 31 იანვრის ჩათვლით ტალონების მეშვეობით, მისი შემსყიდველის მიერ მიმწოდებლისთვის წარდგენიდან არა უგვიანეს 30 წუთისა, მიმწოდებლის სამრეცხაოების მეშვეობით;

4. ფასები და ანგარიშსწორების პირობები:

4.1 შესყიდვის ობიექტის სავარაუდო ღირებულებაა 4560 (ოთხიათასხუთასსამოცი) ლარი.;

4.2 დაფინანსების წყარო - 2016 წლის აფხაზეთის ავტონომიური რესპუბლიკის ბიუჯეტი;

4.3 შემოთავაზებული ფასები უნდა მოიცავდეს შესყიდვის ობიექტის მიწოდებასთან დაკავშირებულ ყველა ხარჯს და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით;

4.4 თუ პრეტენდენტი არ არის დღგ-ს გადამხდელი, საქართველოს კანონმდებლობის შესაბამისად, მისი სატენდერო წინადადება წარმოდგენილი უნდა იყოს დღგ-ს გარეშე (პრეტენდენტმა შენიშვნის სახით უნდა მიუთითოს გარემოება, რის საფუძველზეც არ ითვლება დღგ-ს გადამხდელად);

4.5 ანგარიშსწორება განხორციელდება ეტაპობრივად, რეცხვის ტალონების მიღებიდან, საგადასახადო ანგარიშ/ფაქტურის (იმ შემთხვევაში თუ მიმწოდებელი არის დღგ-ს გადამხდელი) და მიღება-ჩაბარების აქტის საფუძველზე, მათი წარმოდგენიდან 15 (თხუთმეტი) კალენდარული დღის განმავლობაში;

4.6 წინასწარი ანგარიშსწორება არ გამოიყენება.

5. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

5.1 ორგანიზაციის რეკვიზიტები დანართი №1-ის მიხედვით;

5.2 გასაწევი მომსახურების ფასების ცხრილი (დანართი №2);

5.3 ინფორმაცია უკანასკნელი 5 წლის განმავლობაში ანალოგიური მომსახურების გამოცდილების შესახებ (დანართი #3);

5.4 ინფორმაცია რეცხვის დროს გამოსაყენებელი საშუალებებისა და ტექნიკური აღჭურვილობის შესახებ;

5.5 ინფორმაცია ავტოსამრეცხაოების ქსელის შესახებ მისამართების მითითებით და ამასთანავე მიმწოდებელმა უნდა წარმოადგინოს კუთვნილების/დროებით სარგებლობის დამადასტურებელი დოკუმენტები (ამონაწერი საჯარო რეესტრიდან, საიჯარო ხელშეკრულება ან სხვა დოკუმენტი, რაც დაადასტურებს კუთვნილებას/დროებით სარგებლობას. საიჯარო ხელშეკრულებების მოქმედების ვადა მინიმუმ 1 (ერთი) კვირით უნდა აღემატებოდეს შესყიდვის ობიექტის მიწოდების ვადას).

6. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც გაფორმდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თან დაერთვება ხელშეკრულებას, როგორც მისი განუყოფელი ნაწილი

ქ. თბილისი 2016 წელი
ერთის მხრივ აფხაზეთის ა/რ მთავრობის საქვეუწყებო დაწესებულება - ადმინისტრაციულ-სამეურნეო სამმართველო (შემდგომში “შემსყიდველი”), მის: ქ. თბილისი ალ. ყაზბეგის გამზ #42. და მეორეს მხრივ _____ (შემდგომში “მიმწოდებელი”), შემსყიდველი მიერ გამოცხადებული გამარტივებული ელექტრონული ტენდერის SPA -----ისა სატენდერო დოკუმენტაციისა და მიმწოდებლის წინადადების საფუძველზე, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 “ხელშეკრულება სახელმწიფო შესყიდვის შესახებ” (შემდგომ_ “ხელშეკრულება”) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 “მიმწოდებელი” ნიშნავს პირს, რომელმაც მოიპოვა გამარჯვება ტენდერში და აწვდის შესყიდვის ობიექტს სახელმწიფო შესყიდვის შესახებ მოცემული ხელშეკრულების ფარგლებში;

1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.

2. ხელშეკრულების საგანი

2.1 ხელშეკრულების საგანს წარმოადგენს სატენდრო დოკუმენტაციის შესაბამისად, ავტოსატრანსპორტო საშუალებების რეცხვითი მომსახურების (CPV-50112300 მანქანის რეცხვა და მსგავსი მომსახურებები) შესყიდვა.

3. ხელშეკრულების ღირებულება

3.1 ხელშეკრულების ღირებულება შეადგენს _____ ლარს.

3.2 ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. სტანდარტები

ხელშეკრულების ფარგლებში მიწოდებული შესყიდვის ობიექტი უნდა შეესაბამებოდეს ტექნიკურ პირობებში მითითებულ პირობებს და მოქმედ სტანდარტებს.

5. ხელშეკრულების შესრულების კონტროლი

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

5.4 ამ მუხლის არცერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

5.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ შემსყიდველი ორგანიზაციის უფლებამოსილი თანამშრომლები.

6. შესყიდვის ობიექტის მიწოდების პირობები და ვადები.

6.1 მომსახურების გაწევა უნდა განხორციელდეს ეტაპობრივად, ხელშეკრულების დადებიდან 2017 წლის 31 იანვრის ჩათვლით ტალონების მეშვეობით, მისი შემსყიდველის მიერ მიმწოდებლისთვის წარდგენიდან არა უგვიანეს 30 წუთისა, მიმწოდებლის სამრეცხაოების მეშვეობით.

7. შესყიდვის ობიექტის მიღება-ჩაბარების წესი

7.1 რეცხვის მომსახურება უნდა განხორციელდეს მიმწოდებლის მიერ დამზადებული და შემსყიდველის მიერ მიმწოდებლისთვის წარდგენილი შესაბამისი მომსახურების დამადასტურებელი საბუთის (ტალონი) მეშვეობით;

7.2. შემსყიდველის მოთხოვნიდან ორი დღის ვადაში მიმწოდებელმა უნდა უზრუნველყოს შემსყიდველისთვის მოთხოვნილი რაოდენობის ტალონების მიწოდება;

8. ანგარიშსწორება

8.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის და მომსახურების მაღალი ხარისხის უზრუნველყოფისთვის საჭირო ყველა ხარჯის გათვალისწინებით.

8.2 ანგარიშსწორება მოხდება უნაღდო ანგარიშსწორებით ლარში.

8.3 ანგარიშსწორება განხორციელდება ეტაპობრივად, რეცხვის ტალონების მიღებიდან, საგადასახადო ანგარიშ/ფაქტურის და მიღება-ჩაბარების აქტის საფუძველზე, მათი წარმოდგენიდან 15 (თხუთმეტი) კალენდარული დღის განმავლობაში

8.4 საავანსო ანგარიშსწორება არ გამოიყენება.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე

მხრის მიერ ხელმოწერილი წერილობითი შეთანხმების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები.

11. სუბკონტრაქტორები

11.1 მიმწოდებელმა წერილობით უნდა აცნობოს შემსყიდველს მოცემული ხელშეკრულების ფარგლებში დადებული ყველა სუბკონტრაქტის შესახებ.

11.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

11.3 ამ ხელშეკრულების ფარგლებში დადებული არცერთი სუბკონტრაქტი არ ათავისუფლებს მიმწოდებელს ხელშეკრულებით არსებული მატერიალური ან სხვა ვალდებულებებისაგან.

12. ხელშეკრულების შესრულების გარანტია

12.1 ხელშეკრულების უზრუნველყოფის საბანკო გარანტია არ გამოიყენება.

13. ხელშეკრულების პირობების შეუსრულებლობა

13.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში მიმწოდებელს ეკისრება პირგასამტეხლო ხელშეკრულების ღირებულების 0,1%-ის ოდენობით ყოველი დაგვიანებული დღისათვის.

13.2. მიმწოდებელი ვალდებულია დაფაროს 13.1 პუნქტით გათვალისწინებული პირგასამტეხლო არაუგვიანეს შემსყიდველის წერილობითი მოთხოვნიდან 10 (ათი) დღის ვადაში.

13.3. მიმწოდებლის მიერ ხელშეკრულებით ნაკისრი ვალდებულების განმეორებით შეუსრულებლობის ან/და პირგასამტეხლოს დადგენილ ვადაში გადაუხდელობის შემთხვევაში, ან თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3% შემსყიდველი იტოვებს უფლებას შეწყვიტოს ხელშეკრულება და მოსთხოვს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

13.4 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

14. ხელშეკრულების შეწყვეტა მისი პირობების შეუსრულებლობის გამო

14.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

(ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია გაუწიოს მომსახურება ან მისი ნაწილი;

(ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

14.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვაშემთხვევებში.

14.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული მომსახურების ღირებულება.

15. ფორს-მაჟორი

15.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული

შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

16. სადაო საკითხების გადაწყვეტა

16.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

17. გამოყენებისამართალი

17.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18. ხელშეკრულების ენა

18.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებებია სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

19. შეტყობინება

19.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

20. გადასახადები და ბეგვრა

20.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე.

21. ხელშეკრულების მოქმედების ვადა

21.1. წინამდებარე ხელშეკრულება ძალაშია მისი ხელმოწერის დღიდან და მოქმედებს 2017 წლის 10 მარტის ჩათვლით.

22. დასკვნითი დებულებები

22.1. ხელშეკრულება შედგენილია ქართულ ენაზე 2 (ორი) თანაბარმნიშვნელოვან იდენტურ ეგზემპლარად, 1 (ერთი) ეგზემპლარი ინახება შემსყიდველთან და 1 (ერთი) ეგზემპლარი ინახება მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

22.2. გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულება და წარმოადგენს მის განუყოფელ ნაწილს;

22.3 წინამდებარე ხელშეკრულების ნებისმიერი ცვლილება და დამატება ძალაში შედის მხოლოდ წერილობითი ფორმით შესრულებისა და მხარეთა უფლებამოსილი წარმომადგენლების ხელმოწერის შემდეგ.

შემსყიდველი

მიმწოდებელი

დანართი #1

1. რეკვიზიტები

პრეტენდენტის რეკვიზიტები: -

პრეტენდენტის იურიდიული ფორმა და დასახელება: -

ხელმძღვანელის თანამდებობა, სახელი, გვარი: -

პრეტენდენტის იურიდიული და ფაქტიური მისამართი: -

საიდენტიფიკაციო კოდი: -

პრეტენდენტის ტელეფონის ნომერი/ელ.ფოსტა: -

მომსახურე ბანკის დასახელება : -

ბანკის კოდი : -

ანგარიშსწორების ანგარიში: -

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი: _____ ლარი;

3. სატენდერო წინადადების მოქმედების ვადა:

სატენდერო წინადადება ძალაშია „გამარტივებული ელექტრონული ტენდერისა და ელექტრონული ტენდერის ჩატარების წესის შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების მე-2 მუხლის „ჟ“ „რ“ ან „ტ“ ქვეპუნქტით გათვალისწინებული ეტაპის დადგომამდე.

პრეტენდენტის ხელმოწერა და ბეჭედი

ბ.ა.

მომსახურების ღირებულება

პრეტენდენტის დასახელება -----

№	დასახელება	რაოდენობა	ერთეულის ფასი (ყველა თანამდევნი ხარჯის გათვალისწინებით)	საერთო ფასი (ყველა თანამდევნი ხარჯის გათვალისწინებით)
1	მსუბუქი ავტომანქანის რეცხვა	204		
2	ჯიპის ტიპის ავტომანქანის რეცხვა	180		
	სულ ჯამი:			

სახელმწიფო შესყიდვების ერთიან ელექტრონულ სისტემაში შემოთავაზებული
სატენდერო წინადადების ფასი:

_____ ლარი
(თანხა ციფრებით და სიტყვიერად)

პრეტენდენტის ხელმოწერა და ბეჭედი _____

ბ.ა.

ინფორმაცია სამუშაო გამოცდილების შესახებ

#	დამკვეთი ორგანიზაცია	დამკვეთის საკონტაქტო ინფორმაცია	მომსახურების დასახელება	ხელშეკრულების მოქმედების ვადა	ხელშეკრულების ღირებულება
1					
2					
3					
4					
5					

პრეტენდენტის ხელმოწერა და ბეჭედი

ბ.ა.